



REPUBLIKA E SHQIPËRISË
KOMISIONI QENDROR I ZGJEDHJEVE

Nr. 1529 prot.

Tiranë, më 16 09 .2020

Lënda: Kërkesë për bashkëpunim.

MINISTRISË SË BRENDSHME

DREJTORISË SË PËRGJITHSHME TË GJENDJES CIVILE

Adresa: Bulevardi Dëshmorët e Kombit, Tiranë 1000

Për dijeni: Prezencës së OSBE-së

Kodi Zgjedhor i Republikës së Shqipërisë, ndryshuar me ligjin 74/2012, ligjin 31/2015, dhe ligjin 101/2020, në nenin 24 përcakton kompetencat e KQZ-së lidhur me votimin nga jashtë vendit, për të udhëhequr dhe mbikqyrur procesin për përgatitjen e kushteve dhe zbatimin e masave që mundësojnë votimin nga jashtë vendit në zgjedhjet për Kuvendin, për zgjedhësit që kanë vendbanimin e përhershëm jashtë territorit të Republikës së Shqipërisë, kanë të regjistruar në RKGJC adresën e vendbanimit të përhershëm jashtë vendit dhe kërkojnë nga KQZ që të pajisen me dokumentacinë e votimit nga jashtë.

Gjithashtu, në nenin 20, pika 2, gërma "a", të Kodit Zgjedhor përcaktohet kompetenca e Rregullatorit, njërit nga organet drejtuese të KQZ-së, për të shqyrtuar dhe miratuar aktin normativ për zhvillimin për herë të parë të votimit nga jashtë vendit, mbështetur në raportimin e Komisionerit për plotësimin e masave tekniko-organizative që mundësojnë votimin.

KQZ në ushtrim të kompetencave dhe përgjegjësi për përmbushjen e detyrimeve ligjore që burojnë nga dispozitat sipërcituar, kërkon bashkëpunimin Tuaj për:

1. dërgimin e informacionit për numrin e zgjedhësve të cilët kanë të regjistruar në RKGJC adresën e vendbanimit të përhershëm jashtë territorit të Republikës së Shqipërisë;



2. praktikën/procedurën e ndjekur nga DPGJC për regjistrimin në RKGJC të adresave të vendbanimit të përhershëm të shtetasve shqiptarë që jetojnë jashtë territorit të Republikës së Shqipërisë;
3. çdo informacion tjetër që Ju do të çmoni të nevojshëm për zbatimin sa më të plotë dhe korrekt të urdhërimeve ligjore për votimin nga jashtë vendit të zgjedhësve me vendbanim të përhershëm jashtë territorit të Republikës së Shqipërisë.

Duke Ju falenderuar paraprakisht, shprehim bindjen se angazhimi dhe bashkëpunimi institucional për përmbushjen e detyrimit ligjor në një fushë që përbën risi në punën e KQZ-së, do të jetë i sukseshëm sikundër edhe në fusha të tjera të bashkëpunimit në funksion të organizimit dhe administrimit të procesit zgjedhor.

Me konsideratë,

Ylli MERKAJ

SEKRETAR I PËRGJITHSHËM
Komisioni Qendror i Zgjedhjeve

